

ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ՁԵՎՈՎ ՏՐԱՄԱԴՐՎՈՂ ՖԻՆԱՆՍԱԿԱՆ  
ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ

ք. Երևան

«21» օգոստոս 2023 թ.

Հայաստանի Հանրապետության կրթության, գիտության, մշակույթի և սպորտի նախարարությունը (այսուհետև՝ պետական մարմին), ի դեմս գլխավոր քարտուղար՝ Հասմիկ Հակոբյանի, որը գործում է պետական մարմնի կանոնադրության հիման վրա, մի կողմից, և «Կրթություն և առողջություն» հասարակական կազմակերպությունը (այսուհետև՝ Կազմակերպություն), ի դեմս նախագահ՝ Քնարիկ Մխիթարյանի, որը գործում է Կազմակերպության կանոնադրության հիման վրա, մյուս կողմից (այսուհետև՝ միասին՝ կողմեր), հիմք ընդունելով ՀՀ կառավարության 2023 թվականի օգոստոսի 3-ի N 1330-Ն որոշումը (այսուհետև՝ որոշում), «1045. Նախնական (արհեստագործական) և միջին մասնագիտական կրթություն» ծրագրի «11004. «Ուժեղացնել գենդերային հավասարությունը զբաղվածության մեջ որպես տեղական ինքնակառավարման մակարդակ» միջոցառման (այսուհետև՝ ծրագիր), իրականացման նպատակով կնքեցին սույն պայմանագիրը (այսուհետև՝ պայմանագիր)՝ հետևյալի մասին.

## 1. ՊԱՅՄԱՆԱԳՐԻ ԱՌԱՐԿԱՆ

1.1. Պայմանագրով պետական մարմինը պարտավորվում է ծրագրի իրականացման նպատակով Կազմակերպությանը հատկացնել որոշմամբ նախատեսված՝ 10 009 600 (տաս միլիոն ինը հազար վեց հարյուր) ՀՀ դրամ գումար, իսկ Կազմակերպությունը պարտավորվում է ծրագիրն իրականացնել որոշմամբ, պայմանագրով և կից հավելվածով սահմանված կարգով:

## 2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱՎՈՐՈՒԹՅՈՒՆՆԵՐԸ

### 2.1. Պետական մարմինն իրավունք ունի՝

2.1.1. ցանկացած ժամանակ (այդ թվում՝ ՀՀ ֆինանսների նախարարության և պետական այլ մարմինների միջոցով) ստուգել Կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը, ինչպես նաև օրենսդրությամբ սահմանված կարգով իրականացնել ներքին աուդիտ,

2.1.2. Կազմակերպությունից պարբերաբար պահանջել ու ստանալ տեղեկատվություն պայմանագրի կատարման ընթացքի մասին,

2.1.3. պայմանագրով սահմանված պահանջներին չհամապատասխանելու դեպքում չընդունել իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և Կազմակերպությունից պահանջել վճարել պայմանագրի 5.2 կետով նախատեսված տուգանքը, իսկ պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում՝ պայմանագրի 5.3 կետով նախատեսված տույժերը,

2.1.4. առանց իրականացված միջոցառումների արդյունքների դիմաց գումար տրամադրելու՝ միակողմանի լուծել պայմանագիրը և պահանջել հատուցել պատճառված վնասները, եթե՝

ա. առանց հիմնավոր պատճառի Կազմակերպությունը ժամանակին չի սկսում միջացառման իրականացումը կամ միջոցառման իրականացման ժամանակ ակնհայտ է դառնում, որ այն պատշաճ չի իրականացվելու,

բ. Կազմակերպությունն երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (պայմանագրով կամ կանոնադրությամբ միջոցառումների իրականացման ժամկետներ նախատեսված լինելու դեպքում),

գ. իրականացված միջոցառումները չեն համապատասխանում ծրագրով սահմանված պահանջներին,

2.1.5. Կազմակերպության կողմից պայմանագրի պահանջները չկատարելու դեպքում դադարեցնել ֆինանսավորումը՝ մինչև թերությունների վերացումը,

2.1.6. Կազմակերպության կողմից պայմանագրով նախատեսված միջոցառումների ֆինանսական ծախսեր ենթադրող ոչ ֆինանսական ցուցանիշների թերկատարման դեպքում պահանջել հետ վերադարձնել համապատասխան չափով հաշվարկված գումարը կամ նշված գումարի չափով պակասեցնել հետագա տարիների ֆինանսավորումը կամ հետագա տարիների պայմանագրերով պարտավորեցնել լրացնել ոչ ֆինանսական ցուցանիշների թերկատարումը,

2.1.7. պայմանագրի 2.4.7 և 2.4.8 կետերում նշված ժամկետներում Կազմակերպության կողմից կատարողական հաշվետվությունները չներկայացնելու դեպքում ժամանակավորապես դադարեցնել գումարի տրամադրումը,

2.1.8. պայմանագիրն օրենքով կամ պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները:

## **2.2. Կազմակերպությունն իրավունք ունի՝**

2.2.1. պետական մարմնից պահանջել ընդունել պայմանագրի 1.1-ին կետում նշված և Կազմակերպության կողմից պատշաճ ձևով ու կարգով կատարված միջոցառումները,

2.2.2. պետական մարմնից պահանջել վերացնել Կազմակերպության գործողություններից (անգործությունից) անկախ՝ պետական մարմնի մեղքով պայմանագրի կատարման համար առաջացած խոչընդոտները կամ վերանայել պայմանագրի պայմանները,

2.2.3. իրականացված միջոցառման արդյունքը պետական մարմնի կողմից ընդունվելու և պետական մարմնի կողմից գումարները չվճարվելու դեպքում միակողմանի լուծելու պայմանագիրը և պահանջելու հատուցել իրեն պատճառված վնասները,

2.2.4. վաղաժամկետ լուծել պայմանագիրը՝ պայմանագրով կամ Հայաստանի Հանրապետության օրենսդրությամբ սահմանված կարգով և դեպքերում:

## **2.3. Պետական մարմինը պարտավոր է՝**

2.3.1. Հայաստանի Հանրապետության օրենսդրությամբ և (կամ) ծրագրով նախատեսված դեպքերում իր և Կազմակերպության կանոնադրություններով սահմանված իրավասությունների շրջանակներում աջակցել Կազմակերպությանը, այդ թվում՝ Կազմակերպությանը ցուցաբերել մեթոդական և կազմակերպական օգնություն,

2.3.2. Կազմակերպությունից ընդունել պայմանագրի պահանջներին համապատասխան Կազմակերպության կողմից պատշաճ ձևով ու կարգով կատարված միջոցառումները և հաշվետվությունները,

2.3.3. կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ,

2.3.4. իրականացված միջոցառման մասին ներկայացված ֆինանսական և բովանդակային հաշվետվությունների վերաբերյալ համապատասխան որոշում ընդունել դրանք ստանալու օրվանից մինչև 20 աշխատանքային օրվա ընթացքում: Հաշվետվություններում թերություններ հայտնաբերվելու դեպքում դրանք վերադարձվում են լրամշակման Կազմակերպությանը՝ լրամշակման համար

026000

սահմանելով խելամիտ ժամկետներ: Եթե ներկայացված հաշվետվությունների համաձայն իրականացված միջոցառումը համապատասխանում է ծրագրի և պայմանագրի պահանջներին, ապա դրանք ընդունվում են,

2.3.5. իրականացնել պայմանագրով նախատեսված այլ աշխատանքներ:

#### **2.4. Կազմակերպությունը պարտավոր է՝**

2.4.1. պայմանագրով նախատեսված ֆինանսական միջոցներն օգտագործել ծրագրով և (կամ) պայմանագրով սահմանված նպատակներով ու չափաքանակներով՝ համաձայն պայմանագրի 1.1 կետի,

2.4.2. ժամանակին, պատշաճ ձևով ու կարգով կատարել պայմանագրի 1.1-ին կետով նախատեսված միջոցառումները,

2.4.3. պայմանագրով սահմանված պարտավորություններն իրականացնել պետական մարմնի կողմից հաստատված մեթոդական ցուցումների, հրահանգների և այլ իրավական ակտերի (փաստաթղթերի) պահանջներին համապատասխան,

2.4.4. պետական մարմնին անհապաղ հայտնել պայմանագրի կատարման համար առաջացած խոչընդոտների մասին և միաժամանակ ձեռնարկել իր կողմից հնարավոր բոլոր միջոցները՝ այդ խոչընդոտներն անհապաղ վերացնելու համար,

2.4.5. պայմանագրի գործողության ընթացքում ապահովել միջոցառման իրականացմանը վերաբերող փաստաթղթերին ծանոթանալու պետական մարմնի հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում,

2.4.6. կատարել պետական մարմնի կողմից բացահայտված թերությունների վերացման նպատակով տրված ցուցումները,

2.4.7. մինչև յուրաքանչյուր եռամսյակին հաջորդող ամսվա 10-ը, իսկ տարեկան կտրվածքով՝ մինչև հաջորդ տարվա հունվարի 25-ը ներկայացնել իրականացված միջոցառումների վերաբերյալ Կազմակերպության կատարողական հաշվետվությունները, ընդ որում՝ Կազմակերպությունը պատասխանատվություն է կրում հաշվետվությամբ ներկայացված տվյալների հավաստիության համար,

2.4.8. իրականացնել ծրագրի շրջանակներում պետական մարմնի կողմից տրամադրված գումարների հաշվապահական հաշվառման վարում՝ Հայաստանի Հանրապետության օրենսդրությամբ սահմանված կարգով,

2.4.9. պետական մարմնին ներկայացնել եռամսյակային ու տարեկան հաշվետվություններ՝ համաձայն ՀՀ ֆինանսների նախարարի 2013 թվականի փետրվարի 4-ի N 104-Ն և 2019 թվականի մարտի 13-ի N 254-Ն հրամանների, ինչպես նաև ՀՀ օրենսդրությամբ և իրավական այլ ակտերով նախատեսված ձևով ու կարգով,

2.4.10. պետական մարմնի կողմից առանձին միջոցառումների իրականացման մասին հաշվետվությունները չընդունվելու դեպքում անվճար՝ պետական մարմնի կողմից սահմանված ողջամիտ ժամկետում վերացնել արձանագրված անհամապատասխանությունները,

2.4.11. միջոցառման իրականացման համար անհրաժեշտ ապրանքները, աշխատանքները և ծառայությունները ձեռք բերել «Գնումների մասին» Հայաստանի Հանրապետության օրենքով սահմանված կարգով,

2.4.12. չձախսված գումարի վերջնական, տարեվերջյան մնացորդը (տնտեսումները, խնայողությունները) վերադարձնել Հայաստանի Հանրապետության պետական բյուջե ոչ ուշ, քան 2023 թվականի դեկտեմբերի 22-ը, իսկ ժամանակացույցով պայմանավորված ավելի ուշ ավարտվող միջոցառումների իրականացման արդյունքում առաջացած տնտեսումը վերադարձնել Հայաստանի Հանրապետության պետական բյուջե՝ կողմերի ստանձնած պարտավորությունների ամբողջ ծավալով կատարումից հետո,

2.4.13. պայմանագրով նախատեսված միջոցառումների տարեկան արդյունքները թերակատարելու դեպքում համապատասխան չափով գումարները վերադարձնել ՀՀ պետական բյուջե՝ մինչև տվյալ բյուջետային տարվա նախավերջին աշխատանքային օրը:

### 3. ՊԱՅՄԱՆԱԳՐԻ ԳԻՆԸ ԵՎ ՎՃԱՐՈՒՄՆԵՐԻ ԿԱՐԳԸ

3.1. Պայմանագրի 1.1 կետում նշված գումարը պետական մարմինը Կազմակերպությանն է վճարում համաձայն ՀՀ կառավարության 2023 թվականի օգոստոսի 3-ի N 1330-Ն որոշմամբ նախատեսված եռամսյակային համամասնություններին համապատասխան:

3.2. Պայմանագրի 1.1 կետում նշված գումարը Կազմակերպությանը վճարվում է Կազմակերպության բանկային հաշվեհամարին փոխանցումներ կատարելու եղանակով:

3.3. Կազմակերպության կողմից միջոցառումների կատարման՝ պայմանագրով սահմանված ցուցանիշներն ու պայմանները խախտելու դեպքում պետական մարմինն իրավունք ունի վերանայել պայմանագրի 1.1-ին կետում նշված գումարի չափը և դրա վճարման ժամանակացույցը:

### 4. ՊԱՅՄԱՆԱԳՐԻ ԺԱՄԿԵՏԸ

4.1. Պայմանագիրն ուժի մեջ է մտնում կողմերի ստորագրման պահից և գործում է մինչև կողմերի ստանձնած պարտավորությունների ամբողջ ծավալով կատարումը:

### 5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

5.1 Կազմակերպությունը պատասխանատվություն է կրում պայմանագրով ստանձնած պարտավորությունների չկատարման կամ ոչ պատշաճ կատարման համար:

5.2 Պայմանագրի 1.1-ին կետով նախատեսված պարտավորությունների ոչ պատշաճ կատարման դեպքում, ինչպես նաև սահմանված ժամկետները Կազմակերպության կողմից չպահպանելու դեպքում վերջինս պետական մարմնին վճարում է տուգանք՝ ոչ պատշաճ կատարված պարտավորության համար նախատեսված գումարի 0.5 (զրո ամբողջ հինգ տասնորդական) տոկոսի չափով, իսկ սահմանված ժամկետները խախտելու դեպքում ժամկետներին խախտմամբ իրականացված պարտավորության համար նախատեսված գումարի 0.5 (զրո ամբողջ հինգ տասնորդական) տոկոսի չափով՝ ուշացված յուրաքանչյուր աշխատանքային օրվա համար: Ընդ որում, տուգանքի վճարումը Կազմակերպությանը չի ազատում իր պարտավորությունները կատարելու և խախտումները վերացնելու պարտականությունից:

5.3 Պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում Կազմակերպությունը պետական մարմնին վճարում է տույժ՝ պայմանագրի գնի 0.05 (զրո ամբողջ հինգ հարյուրերորդական) տոկոսի չափով՝ ուշացված յուրաքանչյուր աշխատանքային օրվա համար:

5.4 Պայմանագրի 5.2 և 5.3 կետերով նախատեսված տուգանքը և տույժը կարող է հաշվարկվել և հաշվանցվել միջոցառման իրականացման արդյունքում Կազմակերպությանը վճարման ենթակա գումարների հետ:

Տույժը հաշվարկվում է աշխատանքային օրերով՝ պայմանագրի չկատարված մասի գնի նկատմամբ:

5.5 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.6 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

## 6. ՄՈՆԻԹՈՐԻՆԳԸ

6.1. Պետական մարմինը ծրագրի իրականացման արդյունքների համապատասխանության գնահատման նպատակով իրականացնում է մոնիթորինգ:

6.2. Մոնիթորինգն իրականացվում է պետական մարմնի և (կամ) նրա կողմից լիազորված անձի կողմից:

6.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով Կազմակերպությանը տրվում են ցուցումներ, և կատարվում են առաջարկություններ:

6.4. Պետական մարմինը ցանկացած ժամանակ կարող է ծրագրի շրջանակներում իրականացնել մոնիթորինգ՝ ուսումնասիրելով ծրագրին առնչվող ցանկացած փաստաթղթեր և նյութեր:

6.5. Մոնիթորինգի իրականացման ընթացքում Կազմակերպությունից կարող են պահանջվել գրավոր ու բանավոր պարզաբանումներ և բացատրություններ:

## 7. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (ՖՈՐՍ-ՄԱԺՈՐ)

7.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

## 8. ԵԶՐԱՓՈՒԿ ԴՐՈՒՅԹՆԵՐ

8.1. Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից:

8.2. Պայմանագիրը կնքվում է պայմանագրի կողմերի թվին համապատասխան թվով օրինակով, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկ օրինակ:

8.3. Պայմանագրով նախատեսված պարտավորությունների չկատարման հետ կապված, ինչպես նաև պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

## 9. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊՈՅՄԱՆՆԵՐՆ ՈՒ ՍՏՈՐԱԳՐՈՒԹՅՈՒՆՆԵՐԸ

ՊԵՏԱԿԱՆ ՄԱՐՄԻՆ  
ՀՀ կրթության, գիտության, սպորտի և  
մշակույթի նախարարություն

ք. Երևան, Վազգեն Սարգսյան 3  
Կառավարական տուն 2

ՀՀ ՖՆ գործառնական վարչություն  
Հ/Հ 900011045425  
ՀՎՀՀ 02698732

Գլխավոր քարտուղար՝

  
/ստորագրություն/ Կ.Տ

Հ. Հակոբյան



ԿԱԶՄԱԿԵՐՊՈՒԹՅՈՒՆ  
«Կրթություն և առողջություն»  
հասարակական կազմակերպություն

ք. Երևան, Էրեբունի, Թորամանյան 39

«Հայրիզնետրանկ»  
Հ/Հ 1150015091871888  
ՀՎՀՀ 01500362

Նախագահ՝

  
/ստորագրություն/ Կ.Տ

Ք. Մխիթարյան



## ՄԻՋՈՑԱՌՈՒՄՆԵՐ

Իրականացվելիք միջոցառման						
Հ/Հ	Անվանումը	Համառոտ բովանդակություն	Կատարման ենթակա գործառույթների նկարագիրը	Ակնկալվող արդյունքները և դրանց գնահատման չափանիշները	Վերջնական կետ	Պահանջվող գումարը (ՀՀ դրամ)
1	Աշխատանքային համար պատասխանատու տեղական մարմինների հետ աշխատանքային 3 հանդիպումներ (30 մասնակից)	<p>Առկա իրավիճակի և ուսումնական պրոցեսի կարիքների բացահայտում,</p> <p>1. Բացահայտել կանանց համար համապատասխան աշխատանք գտնելու հիմնական խոչընդոտները.</p> <p>2. Բացահայտել տեղական ինքնակառավարման մարմինների՝ կին կադրեր ընդունելու դժվարության հիմնական պատճառները</p> <p>3. սեմինարների օրակարգերի, ուսումնական նյութերի բովանդակությանն ու օգտագործվող մեթոդների համաձայնեցում, միջոցառումների ժամանակացույցի հաստատում:</p>	<p>Տեղական ինքնակառավարման մարմինների և որոշում ընդունողների շրջանում քննարկումներ և հարցումներ իրականացնել մշակված հարցաթերթիկների միջոցով:</p> <p>Ստացված տեղեկատվության հիման վրա մշակել համապատասխան սեմինարներին հարմարեցված նյութեր ելակետային տեղեկատվություն տրամադրելու համար.</p>	<p>Տեղական իշխանությունների գեներային հավասարության հետ կապված խնդիրների վերաբերյալ գիտելիքները բարձրացված են:</p> <p>Գիտելիքները գնահատված են համապատասխան հարցաթերթիկների վերլուծության արդյունքում</p>	2023թ. սեպտեմբեր-հոկտեմբեր	147840

<p>Կազմակերպվող սեմինար-վարժանքների նախապատրաստում և անցկացում: Երեք սեմինար-վարժանքների կազմակերպում տեղական գործատուների, այդ թվում կրթական ոլորտում, աշխատակազմի համար (ընդհանուր թիվը՝ 60 շահառու):</p>	<p>Սեմինարի բովանդակության մշակում, որը հարմարեցված է լսարանի կարիքներին, արտացոլում է գենդերային հավասարությունը՝ աշխատանք ստանալու համար, երեք սեմինար-վարժանքների կազմակերպում տեղական գործատուների, այդ թվում կրթական ոլորտում, աշխատակազմի համար (ընդհանուր թիվը՝ 60 շահառու):</p>	<p>Բարձրացնել իրազեկվածությունը գենդերային խտրականության, օրենսդրական դաշտի վերաբերյալ գիտելիքների, ընտանիքում և համայնքում կնոջ դերի նկատմամբ ընկալումն ու վերաբերմունքը փոխելու համար:</p>	<p>1. Տեղական իշխանությունների գենդերային հավասարության և իրավահավասարության հետ կապված խնդիրների վերաբերյալ գիտելիքները բարձրացված են, համայնքում կանանց սոցիալական դերի ավելի լավ պատկերացված է;</p> <p>2. Տեղական իշխանությունների, գործատուների վարքագծը փոփոխված է՝ աշխատանք փնտրող կանանց իրավունքների վերաբերյալ, ինչպես նաև միջին մասնագիտական ուսումնական հաստատությունների շրջանակարտները գինված են համապատասխան գիտելիքներով պաշտպանված հետագա աշխատանքային խտրականության դրսևորումներից</p> <p>3. Ավելի շատ կանայք զբաղված են, տնտեսապես հզորացած:</p> <p>4. Տեղական իշխանությունների և</p>	<p>2023թ. հոկտեմբեր-դեկտեմբեր</p>	<p>7674975</p>
---	---	--	---	-----------------------------------	----------------



	<p>ողոշում կայացնողների ընկալումը գենդերային հավասարության վերաբերյալ փոխված է</p>		<p>2023թ. դեկտեմբեր</p>	<p>2186785</p>
<p>3</p> <p>Աշխատակազմի վարձատրություն (5 մասնագետ)</p>				<p>10009600</p>

**ՊԵՏԱԿԱՆ ՄԱՐՄԻՆ**  
 ՀՀ կրթության, գիտության, սպորտի և մշակույթի նախարարություն

Ք. Երևան, Վազգեն Սարգսյան 3  
 Կառավարական տուն 2

ՀՀ ՖՆ գործառնական վարչություն  
 Հ/Հ 900011045425  
 ՀՎՀՀ 02698732



Գլխավոր քարտուղար  
 Վ. Հակոբյան

**ԿԱԶՄԱԿԵՐՊՈՒԹՅՈՒՆ**

«Կրթություն և առողջություն»  
 հասարակական կազմակերպություն

Ք. Երևան, Էրեբունի, Թորամանյան 39

«Հայրիգնեսթանկ»  
 Հ/Հ 1150015091871888  
 ՀՎՀՀ 015000362



Նախագահ  
 Ք. Մխիթարյան